

ret nullum, cui Theologia moralis superstrueretur, satis ad commodatum: vnde in Theologia morali nimium quantum ex Philosophia morum repetendi necessitatem, sibi quoque impositam, doluit. Quae vt in posterum sanctiori huic disciplinae non aequae nimiam conciliaret prolixitatem: quam tunc temporis calamo mei exceperunt auditores, typis exscribendam vt curarem Philosophiam moralem, auctor suaeque in primis exstitit. Obtemperaui nutui **TANTI VIRI** eo alacrius, quo magis, quod dederat, promissum Theologiam christianorum practicam systemati meo superstruendi stimulare potuit animum, sanctioribus doctrinis inseruendi cupidissimum. Atque suo certe stetisset promisso, nisi, quos, tum introductioni suae in Theologiam reuelatam, tum polemicis institutionibus deinde consecrare debuit, labores iusto longiorem, praeter opinionem, moram iniecerunt proposito huic perficiendo. Quin immo, his detentus operibus, institit postea, vt ad
deli-